

Ռ. Լ. ԱԶԻԶԵԿՅԱՆ—Սովետական Հայաստանի բանվոր դասակարգի կուլտուր-տեխնիկական մակարդակի անբավարար վիճակը, չարացված սոցիալիզմի պայմաններում, ՀՍՍՀ ԳԱ հրատարակչություն, 1984, 165 էջ:

Մենագրությունը նվիրված է 1960—70-ական թվականներին Սովետական Հայաստանի բանվոր դասակարգի կուլտուր-տեխնիկական մակարդակի բարձրացումը որոշող օրինաչափությունների բացահայտմանը, նրա զարգացման միտումներին: Գրքի առաջին գլխում հեղինակն անդրադարձել է գիտատեխնիկական հեղափոխությանը և Հայաստանի բանվոր դասակարգի ընդհանուր կուլտուրական մակարդակի աճի հարցերին, իսկ երկրորդ գլուխն ամբողջովին նվիրված է ՀՍՍՀ բանվոր դասակարգի տեխնիկական մակարդակի աճին:

Աշխատության մեջ նշվում է, որ զարգացած սոցիալիզմի ժամանակաշրջանում ինչպես ամբողջությամբ ՍՍՀՄ-ում, այնպես էլ Սովետական Հայաստանում տեղի են ունեցել սոցիալ-տնտեսական կարեւորագույն վերափոխություններ, որոնք հանգեցրին բանվոր դասակարգի կազմի քանակական և որակական լուրջ փոփոխությունների: Այս պրոցեսները տարբերային բնույթ չեն կրում, այլ ՄՄԿ-ի գիտականորեն հիմնավորված սոցիալական քաղաքականության արդյունքն են:

Արտադրության մեջ, ինչպես նաև հասարակական և մշակութային կյանքի տարբեր ոլորտներում բանվոր դասակարգի ստեղծագործական գործունեության ուժեղացումը նրա ընդհանուր կուլտուրական մակարդակի անշեղ բարձրացման արդյունք է, որը տանում է դեպի նոր, բազմակողմանիորեն զարգացած անհատի ձևավորման պրոցեսի խորացում:

Գրքի պատասխանատու խմբագիրն է պատմական գիտությունների դոկտոր Կ. Ս. Խուզա՝ վերոյանը: Գիրքը լույս է տեսել ռուսերեն:

Ա. Յ. ԱՐՐԱՀԱՄՅԱՆ—Արսեն Այաթնյանի լեզվաբանական հայացքները, ՀՍՍՀ ԳԱ հրատարակչություն, 1984, 216 էջ:

Աշխատությունը հայ մեծանուն լեզվաբան Արսեն Այաթնյանի լեզվաբանական հայացքների առաջին մենագրական հանգամանալից ուսումնասիրությունն է:

Ա. Այաթնյանը հայ մշակութի պատմության այն գործիչներից է, որոնց վաստակը չի սահմանափակվում մեկ բնագավառով: Նա հանդես է եկել գիտության, արվեստի, հասարակական գործունեության տարբեր ասպարեզներում՝ հասնելով ակնհայտ հաջողությունների: Սակայն նրա հանրագիտարանային ընդգրկումը ունեցող գործունեության մեջ առանձնահատուկ տեղ է զբաղում լեզվաբանությունը: Հայոց լեզվի պատմության և նոր դրական հայերենի սկզբնավորման շրջանի խոր ու հանգամանալից քննությունը, ինչպես նաև այդ կապակցությամբ ընդհանրապես լեզվի էության զարգացման տարբերակումների և լեզվական այլ իրողությունների Ա. Այաթնյանի ըմբռնումները վեր են բարձրանում նրա ժամանակից և շատ կողմերով կապվում են այժմեական լեզվաբանական խնդիրների լուծման հետ:

Հեղինակը Ա. Այաթնյանի լեզվաբանական հայացքների քննությունը կառուցել է՝ ելնելով նրա ճիշնական քերականություն աշխարհաբար կամ արդի հայերեն լեզվին աշխատությունից: Այն դրել է ուսումնասիրության կենտրոնում և լրացրել տարբեր հոգվածներում առաջ քաշված **գրությունների ու տեսականների քննարկումով:**

Գրքի պատասխանատու խմբագիրն է ՀՍՍՀ ԳԱ ակադեմիկոս Գ. Բ. Զահուկյանը:

Մ. Ն. ՀԱԿՈՒԹՅԱՆ—Զմյուռնահայ պարբերական մամուլը (1839—1860), ՀՍՍՀ ԳԱ հրատարակչություն, Երևան, 1984, 375 էջ:

Զմյուռնահայ մամուլի 1839—1860 թթ. պատմությանը նվիրված այս գիրքը 1839—1860 թթ. ժամանակաշրջանի ընդգրկող ուսումնասիրության առաջին մասն է: Զմյուռնահայ մամուլը հա-

րուստ նյութ է տալիս XIX դ. հայ կյանքի մասին: Գաղթօջախի պարբերական մամուլը իր նըպաստն է բերել արևմտահայության գոյատևմանը և համընդհանուր զարթոնքին, իր առաջագիմական-դեմոկրատական օրգաններով ծանրակշիռ բաժին է դրել հայ դեմոկրատական գաղափարախոսության հասունացման ու հաղթանակի դործում: Գրքի ընդգրկած գրքին հրկու տասնամյակում Զմյուռնիայում հրատարակվել է 7 պարբերական՝ «Արշալույս արարատյան», «Շոմմարան պիտանի գիտելաց», «Հայրենասեր», «Արփի արարատյան», «Թուրքի Հայկազյան», «Երկական» և «Միություն»: Հեղինակը առանձին-առանձին անդրադարձել է դրանցից յուրաքանչյուրին, գաղթօջախի հասարակական կյանքի ֆոնի վրա վերլուծել դրանց բովանդակությունը, հասարակական-քաղաքական ուղղվածությունը, արժեքավորել յուրաքանչյուրի գործունեությունը, տվել է թերթի ու հանդեսների պատմությունը, ներկայացրել խմբագիրների գործունեությունը և կյանքը: Մ. Հակոբյանը ավելի հանգամանորեն է անդրադարձել «Միություն» հանդեսին, մի պարբերական, որ գտնվել է իր ժամանակի հրատապ խնդիրների բարձրության վրա, վարել է որոշակի դեմոկրատական ուղեգիծ, հարուցած արմատական հարցերով նպաստել է հայ դեմոկրատական մամուլի հաստատմանը Զմյուռնիայի հայկական գաղթօջախում: Պահպանողական «Արշալույս արարատյան» և գաղթօջախի հետադիմության դեմ մղած համառ պայքարով «Միություն» նպաստել է հայ առաջադիմական գաղափարախոսության զարգացմանը:

Գրքում զմյուռնահայ մամուլի հարուստ նյութի քննության հետ միասին արծարծվում են հայ հասարակական մտքի մի շարք առանցքային հարցեր:

Գրքի պատասխանատու խմբագիրն է ՀՍՍՀ ԳԱ ակադեմիկոս Մ. Պ. Աղայանը:

Ա. Ա. ԳՐԻԳՈՐՅԱՆՆ—Հայերը Միջին Ասիայում (XIX դ. երկրորդ կես — 1917 թ.), ՀՍՍՀ ԳԱ հրատարակություն, 1984, 158 էջ:

Գրքում առաջին անգամ լուսաբանվում և ընդհանրացվում է հայերի գաղթը Թուրքեստանի հերկրամաս, ցույց է տրվում հայ գաղթականների մասնակցությունն ու ավանդը հերկրամասի սոցիալ-անտեսական և հասարակական-քաղաքական, ինչպես նաև մշակութային կյանքում XIX դ. երկրորդ կեսից մինչև 1917 թ.:

Հեղինակը լուսաբանում է հայ բնակչության մերձեցումը միջինասիական ժողովուրդների հետ, նրանց համագործակցությունն ու փոխօգնությունը, հարցեր, որոնք դեռևս չեն արտացոլվել պատմական գրականության մեջ: Ուսումնասիրության հինգ գլուխներում հեղինակը պատասխանում է հետևյալ հարցերին. հայերը որտեղից, երբ և ինչու են գաղթել Միջին Ասիա, ինչպես էր ընթանում հայ բնակչության հաստատման պրոցեսը, ինչպես էին հայերը մասնակցում երկրամասի տնտեսական, հասարակական-քաղաքական և մշակութային կյանքին: Գիրքը գրված է ռուսերեն, պատասխանատու խմբագիրներն են՝ պատմական գիտությունների դոկտոր Վ. Բ. Բարխուդարյանը և պատմական գիտությունների թեկնածու Գ. Ս. Հարությունյանը: